

J. MEYSMANS
WOLUWE-SAINT-PIERRE
BRUXELLES
(BELGIQUE)

Bruxelles, le 16^o mars 1914

Honorato Praesidente,

Me recipe fasces de schedas ca - ci. Immediato
me incipe correctione et vade remitte ad Te serie ca
post 4 aut 5 dies.

Me es felice, si Te vole bene cita me ut collabora-
tore aut coauctore de tuo vocabulario. Me consecra tem-
pore enorme ad studio de vocabulario, jam in tempore de
publicatione de Basso, nunc de novo pro tuo libro.

Me admira tuo abnegatione in publicatione de ce
libro. Si meo situatione finantiaris esserè meliore, me volerè
participa ad impensas que ce publicatione adduc. Sed infelice,
de plure menses me demere nullo pecunia in meo schola. Es
forte crisi in commercio de nostro pago.

Autschbach pete que ^{me} sustine sus propositione in favore
de uno subsidio de 1000 frs, quem Academia an vole solve ad
Basso pro novo editione de suo vocabulario. Autschbach appare
furioso de concurrentia que tuo vocabulario vade fac ad illo
de Basso. Me responde ad Autschbach pro seda suo ira,
et pro demonstra, ad illo, in acceptabilitate de propositione de
subsidio ad Basso, praecipue nunc quando alio socio de
Academia (Peano) fac idem publicatione sine ullo subsidio,
ad solo proprio impensa.

Probas typographico. - Te obliga me, si (non obstante
missione de schedas de tuo vocabulario) Te vole bene continua
ad communica me probas typographico. Sic me pote adhuc
stude tuo opera, etiam post restitutione de schedas, et forsan
me inveni aliquo novo observatione ad fac ante impressione
definitivo.

Etiam paginas quem me jam corrige me desidera re-
cipe. Pote es que dum me corrige paginas sequente me habe
necesse de revide paginas praecedente.

Me es deciso ad age in modo continuo pro propaga
nostro ideas et auxilia te ad sustenta unione et acti-
vitate in Academia.

Me tenta de provoca centro de labore et discussione
circum diurnale de Moore. Adhaesione de Anglos pote
es multo pretioso pro nostro causa.

Ce que retine me adhuc ab propagatione activo in
Belgio es que me ipso non habe jam idea toto claro de
Interlingua. Me fac conatu pro appropinqua ad tuo
ideas et es pro ce motivo que me pote semper explicationes
et consilios de te. Sed te es multo avaro in tuo responsiones
ad meo quaestiones. In meo ultimo epistola me pote tuo
critica concernente meo articulo ad diurnale de Moore. Te
non responde, aut quasi non, ad ce petitione.

Forssan te non habe tempore necessario pro cogita multo
ad meo quaestiones. Me tenta de resolve illos per me solo. Sed
sic meo progressu in via de intelligentia de Interlingua es
lento et retarda meo aditu ad propaganda plus activo.

Quidquid es, me fac meo possibile et te pote confide
in me pro omni re.

Cum maximo reverentia, me remane, honorato Prae-
sidente,

Tuo devoto,

J. Meyersman

Es meo idea que, pro fac succede Interlingua, nos debe
primo allice Latinistas et Semi-Latinistas (medicos, clericos,
professores, etc) ad nostro idea. Publico que non ^{pari} stude Latino
es difficile ad move et me es convicto que nos non pote abtrahere
illo quam per auxilio, primo conquistato, de omni Semi-Latinistas.
Inde meo tendentia ad inveni formulas practico que permittit
ad Semi-Latinistas de scribe immediato nostro lingua. Nun-
quam ce Semi-Latinistas vade plica se ad studio de uno voca-
bulario speciale de Interlingua. Illos vole cognitione immediato,
sine auxilio de nostro libellos. Illos vole exercere immediato.
non redi ad schola de interlingua. Illos vole exercere immediato.
An ce conceptione es justa?